

日分十二時之始

杜氏左傳註云夜半即今之所謂子也雞鳴者丑也平旦者寅也日出者卯也食時者辰也隅中者巳也日中者午也晡時者未也日昃者申也日入者酉也黃昏者戌也人定者亥也一日分為十二時始見于此

雜錄

崑山顧炎武寧人著

秦始言字

春秋以上言文不言字秦始皇琅邪臺石刻始曰同書文字

漢始有反切

昔人謂反切出于西域漢揚雄方言筆謂之不律詩皆有茨註茨蒺藜也語連則為茨縷則為蒺藜此反切之始也

晉宋以下始言韻

宋許觀東齊記事云古者字未有反切故訓釋者但曰讀如某字而已至魏孫炎始作反切其實出于西域梵學也自後殷韻日盛宋周顛始作四聲切韻行于時梁沈約又撰四聲譜以為在昔詞



人累千歲而不悟而獨得胸襟窮其妙旨自謂入神之作總是若  
夏侯該四聲韻略之類紛然者自名家矣至唐孫愐始集為唐韻  
諸書遂為之廢宋朝真宗時陳彭年與晁迥威綸條貢舉事取字  
林韻集韻略字統及三蒼兩雅為禮部韻凡科場儀範悉著為格  
又景祐四年詔國子監以翰林學士丁度修禮部韻略頒行初崇  
政殿說書賈朝言舊韻略多無訓解又疑單韻與重疊字不諧義  
理致舉人詩賦或誤用之遂詔度等以唐諸家本刊定其韻窄者  
凡三十處許令附近通用疑單韻及疊出字皆下字下注解之此  
蓋今所行禮部韻也吳曾漫錄嘗論景祐修韻略事既不得其始  
徒屑屑于張希文鄭天休修書先後之辨爾予因歎近時不學幾  
至于廢絕遂據韻之本末條論于此庶覽者得以攷云

宋平水劉氏始得韻

韻會云舊韻上平聲二十八韻下平聲二十九韻上聲五十五韻  
去聲六十韻入聲三十四韻然舊韻所定不無可議如夫脂之佳  
皆山刪先僊覃談本同一音而誤加聲折如東冬魚虞清青至隔  
韻而不相通近平水劉氏壬子新刊韻始併通用之類以省重複  
上平聲十五韻下平聲十五韻上聲三十韻入聲一十七韻今因  
之

通鑑書葬

通鑑書外國之葬如晉義熙六年九月下云甲寅葬魏主珪于威  
樂金陵不言魏葬而言葬魏此做春秋之文愚以為非也春秋書  
葬宋宣公葬滕成公之類皆魯遣其臣會葬故為此文若南北朝



時本國自莫則當書魏莫為合

資治通鑑之誤

通鑑漢武帝元光六年以衛尉韓安國為材官將軍屯漁陽元朔元年匈奴二萬騎入漠殺遼西太守略二千餘人圍韓安國壁又入漁陽雁門各殺略千餘人矣曰圍韓安國壁其為漁陽可知而云又入漁陽此通鑑之疎也考史記匈奴傳本文則曰敗漁陽太守軍千餘人圍漢將軍安國時千餘騎亦且盡會燕救至匈奴引去其文精宥如此以司馬溫公之筆猶有改竄不當者今人可輕言作史乎

新唐書之誤

舊唐書高宗紀乾封元年春正月戊辰朔上祀昊天上帝于泰山以高祖太宗配饗己巳升山行封禪之禮庚午禪于社首是以一日祭天子山下二日登封三日禪社首次序甚明新書改云正月戊辰封于泰山庚午禪于社首是以祭天封山二事併為一事而全繫于戊辰之日殊失本文之旨此歐陽公誤處

新唐書代宗紀上書四月丁卯幽皇后于別殿下書六月辛亥追廢皇后張氏曰追廢則張后之死明矣不書其死亦史之疎略也

史家誤承舊文

史書之中有仍舊史之文而未及改者史記燕世家稱今王喜舊唐書唐臨傳今上字再見徐有功傳澤王上金傳今上字各一見皆謂玄宗世之相去遠矣不得言今也 隋書高祖紀開皇十五年秋七月乙丑晉王諱獻毛龜十九年二月己亥晉王諱耒朝張



照傳晉王諱為揚州總管已易代矣不須諱也

漢書一傳互異

史家之文多據原本或兩收而不覺其異或並存而未及歸一漢書王子侯表長沙頃王子高成節侯梁一卷中再見一始元元年六月乙未封一元康元年正月癸卯封此並存未定當刪其一而誤留之者也地理志于宋地下云今之沛梁楚山陽濟陰東平及東郡之須昌壽張皆宋分也于魯地下又云東平須昌壽張皆在濟東屬魯非宋地也當考此並存異說以備考當小注于下而誤連書者也楚元王傳劉德昭帝時為宗正丞雜治劉澤認獄而于尚傳則云更生父德武帝時治淮南獄一傳之中自為乖異此兩收而未對勘者也武五子傳上云長安白亭東為太后園下云後八歲封太后曰太后置園奉邑事制文複此兩收而未貫通者也

漢侯國

漢書地理志凡侯國則注于下京北尹左馮翊右扶風並無侯國以在畿內故也然功臣表有陽陵侯傳寬高陵侯王虞人恩澤侯表有高陵侯翟方進並左馮翊縣功臣侯表平陵侯蘇建平陵侯范明友並右扶風縣豈亦如古食采于王畿之制乎然獨此五人得封三輔又何與後漢則新豐侯單超新豐侯段熲京兆縣夏陽侯馮異櫟陽侯景丹臨晉侯楊賜並右馮翊縣好畤侯耿弇槐里侯萬修槐里侯竇武槐里侯皇甫嵩鉤邑侯宋弘鄒侯董卓並右扶風而萬傳食槐里美陽兩縣八千戶蓋東都之後三輔同于郡



國矣

漢書地理志小字

地理志小字皆孟堅本大其師古曰服虔曰之類乃顏注也

晉書一人兩稱

晉書顧榮傳前稱友人張翰後又稱吳郡張翰此亦兩處收采未及刊正者也

北史一事兩見

北史徐之才傳嘗與朝士出遊遙望群犬競走諸人試令目之之才即應敬曰為是宋鵠為是韓盧為是李斯東走為負帝女南徂其序傳又云于路見狗温子昇戲曰為是宋鵠為是韓盧神僞曰為逐丞相東走為共帝女南徂一事兩見且序傳是延壽自述其先人不當援他人之事以附益也

齊梁二書南史傳異同

南齊書李安民為吳興太守吳興有項羽神護郡聽事太守不得上太守到郡必須祀以輒下牛安民奉佛法不與神牛著屐上聽事又于廳上八閤齋俄而牛死奠廟側今呼為李公牛塚安民卒官世以羽神為崇梁書蕭琛傳遷吳興太守郡有項羽廟士民名為憤王甚有靈驗遂于聽事安施林幕為神座公私請禱前後二千石皆于廳拜祠而避居他室琛至徙神還廟處之不疑又禁殺牛解祀以脯代肉此似一事而作史者一以為遺崇一以為厭邪立論不同如此又南史蕭惠明傳泰始初為吳興太守郡畝有卞山下有項羽廟相承云羽多居郡聽事前後太守不敢上惠明謂



綱紀曰孔季蒼嘗為此所未聞有災遂感德設筵榻接賓數日見  
一人長丈餘張弓挟矢向惠明既而不見因發背旬日而卒此又  
與李安民相類而少變其說 案宋書惠明傳本無此事

山入于江中水激山濤可怖也為奉滄海不與山爭其高上鯨  
山嶺古名曰... 其山與下則... 惟... 太平不...  
昔... 之書... 此... 異... 同...

匡廬紀游

匡廬紀游

武進吳開思道賢著

歸宗寺

出星子南郭循湖濱而行空翠映波層煙如織遙望綠雲香冥松  
色與山光滅沒則開先萬杉諸寺也過東古山十里渡石梁竹木  
翠陰蒼森夾徑聽潮水潺湲般不覺抵歸宗寺

墨池

歸宗為右軍故宅 右墨池存焉

金龜峰

歸宗寺後亭臺如天柱翠黛千尺為金龜峰頂有鐵塔藏舍利  
復生松